



UMHVERFISNEFND HRUNAMANNAHREPPS

9. fundur Umhverfisnefndar Hrunamannahrepps kjörtímabilið 2022 - 2026 haldinn miðvikudaginn 28.febrúar 2024 kl. 16:30 í Ráðhúsinu á Flúðum.

Mættir eru: Halldóra Hjörleifsdóttir, formaður, Ragnheiður Georgsdóttir og Bjarni Arnar Hjaltason. Einnig sátu fundinn Gunnþór Guðfinnsson, yfirmaður eignarsjóðs, þjónustumiðstöðvar og úrgangsmála og Aldís Hafsteinsdóttir sveitarstjóri.

DAGSKRÁ:

1. Framtíð úrgangsmála í Hrunamannahreppi: Hugmyndir um verklag og kostnað við næstu skref.
2. Lausa ganga búfjár-erindi frá Sveitarstjórn
3. Ruslamálaráðherra 2024.
4. Verkefni ársins.
5. Fundargerðir vegna vinnu við stjórnunar- og verndaráætlun fyrir Kerlingarfjöll.
6. Umsögn um drög að reglugerð um sjálfbæra landnýtingu.

Formaður setti fund og óskaði eftir athugasemdum við fundarboð. Engar athugasemdir bárust.

1. **Framtíð úrgangsmála í Hrunamannahreppi: Hugmyndir um verklag og kostnað við næstu skref.**

Fyrir nefndinni liggur minnisblað sem unnið var af Umhverfiráðgjöf Íslands ehf fyrir Hrunamannahrepp um stöðu úrgangsmála í sveitarfélaginu. Ljóst er að nauðsynlegt er að fara í mikla vinnu við endurskipulagningu og uppbyggingu tengda úrgangsmálum í sveitarfélaginu til að koma til móts við þær kröfur sem liggja fyrir og vegna nýrra laga sem tengjast málaflokknum.

Nefndin leggur til að farið verði nú þegar í að vinna að þeim fyrstu skrefum sem lögð eru til í minnisblaðinu og að farið verði nú þegar í hönnun á söfnunar- og móttökustöðinni við Flatholti. Samhliða því verði farið í að vinna nýjar samþykktir um meðhöndlun úrgangs fyrir sveitarfélagið.

Í ljósi þess að mikill kostnaður kemur til með að falla á málaflokkinn við þær úrbætur sem þarf að ráðast í leggur nefndin til að skoðar verði vel hvort ekki sé hægt að minnka kostnað á einhvern hátt í kerfinu til að ekki þurfi að velta of miklum auknum kostnaði á gjaldgreiðendur sveitarfélagsins.

Ennfremur var rætt um bréfpokavæðingu fyrir lífrænan úrgang. Það liggur fyrir að móttökustöðin GAJA tekur ekki við lífrænu efni í öðru en bréfpokum. Nefndin leggur til að málið verði kynnt vel í Pésanum og á samfélagsmiðlum og að íbúum standi til boða að fá eittbúnt af bréfpokum endurgjaldslaust, óski þeir eftir því.

BAH

RH
Cuba

2. Lausa ganga búfjár-erindi frá Sveitarstjórn.

Erindi var sent til nefndarinnar frá sveitarstjórn.

Nefndin hvetur sveitarstjórn til að vinna samþykktir um búfjárhald fyrir sveitarfélagið þar sem skoðað er hvort ekki sé rétt að banna lausagöngu búfjár í sveitarfélaginu fyrir neðan hálandismörk.

Í sveitarfélaginu eru margir búfjáreigendur, langstærsti hluti þeirra hugsar um sinn búfénað eins og best gerist. Þeir tryggja að af þeim hljótist ekki tjón hvort sem er í umferðinni eða á landareignum/jörðum annarra sveitunga. Bann við lausa göngu ætti því að hafa lítil áhrif á stærstan hluta búfjáreigenda í sveitarfélaginu.

3. Ruslamálaráðherra 2024.

Samþykkt að skipa Kolbrúnu Kristínu Daníelsdóttur sem Ruslamálaráðherra 2024.

4. Verkefni ársins.

Farið yfir þau verkefni sem nefndin lagði til í fjárhagsáætlunargerð að yrði farið í á árinu. Mörg verkefni liggja fyrir m.a tengd Lækjargarðinum.

Stefnt að því að halda fund fljótlega með eigendum Lækjargarðsins og fara yfir hugmyndir að verkefnum og uppbyggingu í garðinum.

5. Fundargerðir vegna vinnu við stjórnunar- og verndaráætlun fyrir Kerlingarfjöll.

Lagðar fram til kynningar 2 fundargerðir frá samráðshóp um gerð stjórnunar- og verndaráætlun fyrir landslagsverndarsvæðið í Kerlingarfjöllum.

Nefndin fagnar því að þessi vinna sé hafin og óskar eftir því að nefndin verði einnig í þeim hópi sem haft verður samráð við vegna vinnslu áætlunarinnar.

6. Umsögn um drög að reglugerð um sjálfbæra landnýtingu.

Lögð fram til kynningar umsögn um drög að reglugerð um sjálfbæra landnýtingu.

Unnin var sameiginleg umsögn frá Umhverfisnefnd, Afréttamálanefnd og Sveitarstjórn Hrunamannahrepps og hún send inn í samráðsgáttina.

Fleira ekki rætt og fundi slitið kl 18:10

Fundaritari Halldóra Hjörleifsdóttir

